



Re: 01-06-76/2010
Datum: 09.12.2010.

Predmet: Inicijativa o rodnoj zastupljenosti zvaničnika/ica u izvršnim organima vlasti

Poštovana gospodo,

S obzirom da su u toku intenzivni politički razgovori o konstituiranju buduće vlasti na svim razinama u Bosni i Hercegovini obraćamo Vam se kao najodgovornijim osobama, predsjednicima političkih partija koje su na proteklim oktobarskim općim izborima dobili najveće povjerenje građana.

Ovim putem Vam želimo predložiti da prilikom konstituiranja Vijeća/Savjeta ministara BiH, Vlade Federacije BiH, Vlade Republike Srpske, te vlada kantona/županija u Federaciji BiH na pozicije premijera i ministara vodite računa o rodnoj jednakosti te s tim u vezi u ime svojih partija i stranaka predložite kandidatkinje - žene za premijerke i ministarke.

Podsjećamo Vas da je radi lakše primjene Zakona o ravnopravnosti spolova BiH izmijenjen član 15. tog akta usvojen u Predstavničkom/Zastupničkom domu Parlamentarne skupštine BiH 4. novembra/studenog, a u Domu naroda Parlamentarne skupštine BiH 15. decembra/prosinca 2009. godine.

Ravnopravna zastupljenost u smislu odredbi izmjena zakona postoji u slučaju kada je jedan od spolova zastupljen najmanje u procentu 40 % u navedenim segmentima, dok se diskriminacijom po osnovu spola smatra kada to nije slučaj.

Također, želimo Vam ukazati da je spolna struktura izabranih zvaničnika/ica (poslanika/ica i zastupnika/ica) na proteklim općim izborima u Predstavničkom/Zastupničkom domu Parlamentarne skupštine BiH sljedeća: od 42 mandata 8 pripada ženama (19,05%), a 34 muškarcima (80,95%).

U Predstavničkom/Zastupničkom domu Federacije BiH od 98 mandata 17 pripada ženama (17,35%), a 81 muškarcima (82,65%), dok je spolna struktura izabranih zvaničnika u Narodnoj skupštini Republike Srpske ta da od ukupno 83 mandata, 18 pripada ženama (21,68%), a 65 muškarcima (78,32%).

Pekinška deklaracija i Platforma za akciju:

"Platformom za akciju se reafirmiše da su sva ljudska prava- građanska, kulturna, ekonomska, politička i društvena, uključujući pravo na razvoj- univerzalna, neodvojiva, međusobno ovisna i povezana, kao što je izraženo u Bečkoj deklaraciji i akcionom programu usvojenom na Svjetskoj konferenciji o ljudskim pravima. Konferencija je reafirmisala da su ljudska prava žena i ženske djece neodvojiv, sastavni i neotuđivo dio univerzalnih ljudskih prava. Puno i ravnopravno uživanje svih ljudskih prava i osnovnih sloboda od strane žena i ženske djece je prioritet Vlada i Ujedinjenih nacija i od osnovne je važnosti za napredak žena."

Udruženje "Žene Ženama"
Derebent 41
71000 Sarajevo

Tel/Fax: ++387 33 219 640
3389002206035120
Tel ++ 387 33 214 673
e-mail: zene2000@zenezenama.org
Web: www.zenezenama.org



Identifikacijski broj: 4200086520005
Poziv na broj: 0108 000000
Transakcijski račun:
UniCreditBanka dd Sarajevo

U skladu s navedenim, evidentno je da je rodna zastupljenost izabраниh zvaničnika/ica nezadovoljavajuća, te smatramo kako bi se to moglo ispraviti kroz veće učešće žena u izvršnim organima vlasti.

Nadamo se da ćete ovaj prijedlog uvažiti pri konstituiranju nove vlasti, kao i da ćete ga uzeti u obzir u svim budućim segmentima djelovanja.

Također, nadamo se susretu s Vama kako bismo čuli Vaše mišljenje i potvrdu spremnosti da u okviru svoje političke partije podržite našu inicijativu.

Srdačno,

Pokretači inicijative:

Memnuna Zvizdić, direktorica Udruženja „Žene ženama“
Almir Terzić, novinar, jedan od autora publikacije „Političarke u medijima tokom predizborne kampanje 2010: Slika koje nema“

Dostavljeno :

Prof. dr. Zlatko Lagumdžija, predsjednik SDP BiH
Gdin. Milorad Dodik, predsjednik SNSD
Gdin. Sulejman Tihić, predsjednik SDA
Dr. Dragan Čović, predsjednik HDZ BiH
Dr. Božo Ljubić, predsjednik HDZ 1990
Gdin. Mladen Bosić, predsjednik SDS
Gdin. Marko Pavić, predsjednik DNS
Gdin. Mladen Ivanković-Lijanović, predsjednik NSRB
Dr. Zvonko Jurišić, predsjednik HSP BiH
Gdin. Petar Đokić, predsjednik SP RS
Gdin. Fahrudin Radončić, predsjednik SBB
Dr. Haris Silajdžić, predsjednik SBiH
Dr. Mladen Ivanić, predsjednik PDP
Gdin. Rifat Dolić, predsjednik DNZ
Gdin. Dragan Čavić, predsjednik DP

Nevladinim, međunarodnim, regionalnim i lokalnim organizacijama i medijima.

Pekinška deklaracija i Platforma za akciju:

"Platformom za akciju se reafirmiše da su sva ljudska prava- građanska, kulturna, ekonomska, politička i društvena, uključujući pravo na razvoj- univerzalna, neodvojiva, međusobno ovisna i povezana, kao što je izraženo u Bečkoj deklaraciji i akcionom programu usvojenom na Svjetskoj konferenciji o ljudskim pravima. Konferencija je reafirmisala da su ljudska prava žena i ženske djece neodvojiv, sastavni i neotuđiv dio univerzalnih ljudskih prava. Puno i ravnopravno uživanje svih ljudskih prava i osnovnih sloboda od strane žena i ženske djece je prioritet Vlada i Ujedinjenih nacija i od osnovne je važnosti za napredak žena."